

لیکھاں دی پھلواڑی

پنجابی شاعری

عمرانہ مشتاق



جگ دے کولوں پنڈ سہراں تے لے لینے آں دُکھاں والی
اسیں تاں آپ ای اپنیاں لیکھاں اندر گنجیل پا لینے آں

لیکھاں دی پھلواری

انتساب

اپنے سوہنے پنجاب دے

صوفی شاعراں دے ناں:

جہاں بھائی چارا، امن تے پیار دے راگ الاپے

مائی سارا جگ چُپ اے جے اوہنے چُکی اُت

میرادل کیہہ دھڑکیا سارے جگ وچ پے گیا شور

لیکھاں دی پھلو اڑی

(پنجابی شاعری)

ضابطہ

سبھے حق شاعرہ دے لئی

اپریل ۲۰۰۸ء	:	پہلی وار
۵۰۰	:	تعداد
محمد اکمل اویسی پیرزادہ	:	ناشر
حمدان گرافکس، لاہور	:	ٹائٹل
الاولیس پرنٹرز لاہور	:	چھاپہ خانہ
۱۸۰/- روپے	:	کتاب دا نمل

عمرانہ مشتاق

کتاب ملن دے پتے:

- ۱- محمد اکمل اویسی پیرزادہ - القرطبہ مارکیٹ، فیروز پور روڈ، لاہور 042-7575836
- ۲- 4-A ڈاکٹر زکالونی، علامہ اقبال میڈیکل کالج، لاہور

الاولیس پبلی کیشنز، لاہور

- ۱۰۴ ○ حق سچ دیاں گلاں کردے ساں حق سچ دامان ودھلایا سی
- ۱۰۶ ○ وچاردی گل (نظم)
- ۱۰۷ ○ اک وڈی طاقت دے ناں (غزل جی نظم)
- ۱۰۹ ○ ماں (نظم)
- ۱۱۲ ○ تین شعر
- ۱۱۳ ○ نویں ویلے دی قید (نظم)
- ۱۱۵ ○ پیار محبت دی آگ اندر بلدی جاواں میں
- ۱۱۷ ○ تین شعر
- ۱۱۸ ○ گیت
- ۱۲۰ ○ گیت
- ۱۲۲ ○ ناک جی (نظم)
- ۱۲۳ ○ پہلی پہلی وار ہجر دا بھانیر دل وچ بلایا اے
- ۱۲۶ ○ شام پوے تے پیاردی پیڑ پرانی ہو کے بھردی اے
- ۱۲۸ ○ اپنے دیس لئی کجھ شعر

- ۷۳ ○ عشق دی مٹکی مار کے اوہنے کڈھ لینی سی جان
- ۷۵ ○ جیہڑے لہہ ہوں لہو دیندے سن اوہ بھر جتے ڈیہہ گئے نیں
- ۷۶ ○ ایہہ ساڈے ہمسائے نیں تے ماں پو جائے نیں
- ۷۸ ○ ایہناں نیں اوڑک مک جانا دل دیاں لکھتاں نال
- ۸۰ ○ دیوے دی جے تھی تھی لوہو ہندی
- ۸۲ ○ ڈکھاں نال ایناں بھر گئی آں
- ۸۴ ○ مک گیا بھاویں پینڈا ساڈیاں ساہواں دا
- ۸۶ ○ پنڈ عملاں دی کھولے کون
- ۸۸ ○ کیسا عشق تے عشق چھاوڑک مرنا پیندا اے
- ۹۰ ○ غیراں نال جے رل مل جائے اپنیاں نال وگاڑی دا نہیں
- ۹۲ ○ ہجر دے غم تے پیاردے ڈکھ میں کیہہ دساں
- ۹۴ ○ طعنے مار کے ماریا کنیاں ہیراں نوں
- ۹۶ ○ خورے کیہڑا اور کمایا مار کے دل وچ گھنڈ
- ۹۸ ○ کیہہ ہو یا جے پے گئے نویں پوڑاے نیں
- ۱۰۰ ○ ویکھیں کدھرے و دھنہ جاوے ڈکھ دا پینڈا ہور
- ۱۰۲ ○ ماڑی قسمت دے دیندی اے عمر اں دے کلاپے

آں کہ اُچی تعلیم لئی تے نوں زمانے دی ترقی نوں ویکھدیاں ہویاں ساہنوں انگریزی ضرور پڑھی چاہی دی اے نالے ہور زبانوں وی سکھنیاں چاہی دیاں ایں۔ پر ایہہ اے مطلب نہیں کہ اسیں اپنے گھراں تے اپنی بولی جانن والیاں لوکاں تے دھرتی دے وسنیکاں نال وی انگریزی بولی بولے تے اپنی ماں بولی (پنجابی) نوں ایس لئی چھڈ دینے کہ ایہہ اُن پڑھاں دی زبان اے۔ جے سچ پچھو تے کوئی زبان ان پڑھاں دی نہیں ہوندی تے ہر زبان اوس ویلے تیکر اُن پڑھاں دی زبان ہوسکدی اے جے اوس زبان وچ تعلیم ماں دتی جاوے۔ ایس گل نوں ثابت کردیاں ہویاں میں ایہہ آکھناں چاہوں گی پئی اک زمانے وچ انگریزی وی اُن پڑھاں دی زبان سی ایس لئی کہ ایہہ جہاں دی زبان سی اوہ اک زمانے وچ تعلیم تے ترقی توں بہت پچھے سن۔ جدوں اوہناں نے ایس گل نوں سمجھ لیا کہ تعلیم ترقی لئی بہت ضروری اے تے اوہناں نے پڑھنا شروع کر دتا پر اپنی ماں بولی (انگریزی زبان) وچ کسے غیر دی زبان وچ نہیں۔ فیر ویکھدیاں ویکھدیاں ایہہ زبان اپنی پڑھی لکھی ہوگئی کہ دو جیاں نوں وی ایہہ دے ول دھیان کرنا پے گیا۔ فیر وی ایہہ دی اہمیت ایویں نہیں بن گئی۔ ایہہ سبھ جانندے نیں پئی ایہہ کم کسراں توڑ چڑھیا۔ اصل گل ایہہ آ کہ ایہہ حکمراناں دی زبان بن گئی تے حکمرانی دے زور تے ساری دنیا وچ عام ہوگئی۔ ایہہ کم تے کسوی زبان دے ذریعے ہوسکدا اے۔ ایس توں پہلا عرباں (مسلماناں) دی زبان عربی تے فیر فارسی نے کیتا۔ ایہناں زبانوں دے بولن والے جتھے جتھے حکمرانی دے جھنڈے گڈ دے گئے زبان وی نال نال عام ہوندی گئی۔ انگریزی نے وی لہہ یو کم کیتا۔ پر جیہڑیاں سمجھ دار تو ماں سن اوہناں نے کسے غیر (حکمراناں دی) زبان نوں ایس لئی نہیں سکھیا کہ اوہناں دی اپنی زبان نالوں چنگی سی بلکہ اوہناں نوں ایس لئی سکھیا کہ لہہ دے نال اوہناں نوں سمجھن دا قول آ جاوے پر ساڈا طور طریقہ کجھ ہور ہو گیا اے۔ اسیں ایہہ زبان سکھ کے اپنیاں اُتے حکمرانی دے خواب دیکھن لگ پینے آں تے عام لوکاں تے اپنے آپ نوں دکھرا ثابت کرن لئی ایہہ زبان بولن لگ پینے آں۔ جے ایہہ کجھ ہوندا

کجھ اپنے بارے

پچھلے وقتاں وچ جد کسے نوں بد دعا دتی جاندی سی تے اوہنوں کہیا جاندی اسی:

”جاتیوں تیری ماں بولی بھل جاوے“

اپنی اپنی ماں بولی بولن والیاں نوں سچ پچھو تے بہت ای پیار ہوندا اے۔ بند بھادیں کتنا لکھ پڑھ جاوے کینیاں بولیاں سکھ لوے پر جو مزہ اوہنوں اپنی ماں بولی وچ ملدا اے اوہ کوئی ہور زبان نہیں دے سکدی۔ ایس لئی پئی جیہڑے لفظ نال ماں دا لفظ لگ جاوے اوہ تے اُنج ای بڑا سوہنا ہو جاند اے بھانویں دھرتی ماں ہووے بھانویں ماں بولی تے اللہ نہ کرے ساہنوں ایہناں چوں ایہہ شہد توں ودھ کے مٹھا لفظ بھل جاوے تے ساڈی پچھان ای نہ ہووے۔ ایس لفظ نوں بھلسن دا مطلب تے ایہہ وی اے پئی اسیں اپنے آپ نوں بھل جائے تے جیہڑا بند اپنے آپ نوں بھل جاند اے اوہدی پچھان پورے جگ تے کیہہ اپنے گھر دے اندر وی نہیں رہندی۔ گھراں اچھن جیہڑا روو تے ایس توں ودھ کے انگریزی بولن دا رواج پے گیا اے ایہہ ساڈی دھرتی ماتا توں دکھریا کرن دی پہل کر دتی اے جد کہ ماں بولی تے دھرتی ماں انساناں دی پچھان کراندی اے تے اوہناں دا بہت وڈا سہارا ہوندا اے۔ جے ایہہ نہ ہووے تے ساڈی گل کوئی وی سمجھن والا نہ ہووے تے ماں کوئی ساہنوں پیار دین والا ہووے۔ پر اتھے تاں اسیں بہت کجھ دیکھ رہے آں۔ ساہنوں ساڈی ماں بولی تے دھرتی نالوں دکھ کرن دے لئی انگریزی زبان نوں مہذب تے وڈی سوسائٹی دی زبان قرار دے کے ساڈے بالاں نوں انگریزی پڑھائی جا رہی اے تے ایس پڑھائی دی اُچھائی تے وڈیائی دا آہر کرن لئی انگریزی زبان وچ اپنے بالاں نال بول چال دا رواج عام کیتا جا رہیا اے بلکہ کرای دتا گیا اے۔ سچ پچھو تے میں انگریزی زبان دی مخالف نہیں بلکہ اپنی ماں بولی لئی کسے وی زبان دی مخالفت نہیں کردی کیوں جے میں جان دی

پچھدا اے کہ گھر وچ کبھڑی زبان بولدے او تے اوہ کہہ دیندے نہیں کہ ساہنوں ساڈی ماں ڈانٹ ڈپٹ پنجابی زبان وچ ای کردی ای۔ پر ایہدا ایہہ مطلب نہیں کہ پنجابی زبان ڈانٹ ڈپٹ لئی ہوندی اے۔ میرا مطلب اے کہ بندہ کہتا وی زمانے دے رنگ وچ رنگیا جاوے تے دو جیاں زبانوں نوں نویں زمانے دی لوڑ سمجھ لوے (انج ہونا تے نہیں چاہی دا) جدوں بے اختیار ہوندا اے تے اپنی زبان وچ ای گل کردا اے ایس لئی کہ اوہنوں اپنی زبان وچ گل کردیاں کوئی اوکڑ نہیں آوندی۔ شاعری تاں فیر شاعری اے۔ ایہہ اپنی زبان دارنگ آپ دکھاندی اے پر عام بول چال وچ گلہاں کردیاں ہو یاں وی جد کوڑھیاں گلہاں ہون لگ پین۔ تے اصل پنجابی دارنگ چوکھا ہون لگ پیندا اے۔

اتھے میں ایہہ دعویٰ تے نہیں کردی کہ میں پنجابی دے اصل رنگ نوں اپنایا اے تے ایہدے ادبی رنگ ڈھنگ نوں پورا پورا سمجھ لیا اے۔ ہوسکدا اے کہتے کہتے میرے شعر اندر ساڈے نویں دور دی بول چال دا اثر وی آ گیا ہووے (جیہڑا ایس سمجھدی آں فطری ہوندا اے) پر فیروی میں ایناں ضرور آکھاں گی کہ میری شاعری دی زبان تے رنگ ڈھنگ پنجابی اے۔ اوہیو پنجابی جیہڑی میں اپنے گھر وچ بولدی آں۔ کدی اپنی ماں مال بولدی ساں، کیوں جے ماں نے مینوں ایہو بولی سکھائی سی۔ دو جیاں اک دو بولیاں نوں سکھن لئی تاں میں سکولے لگئی ساں۔ پر سکولے جا کے میں اپنی ماں بولی نوں نہیں بھلیا۔ ایس لئی کہ ایہہ میرا فخر اے۔ میرا مان اے تے ایس مان نوں میں کدی وی نہیں کواسکدی۔ فیروی میں رب کولوں دعا کردی آں پئی مینوں اپنی ماں بولی نہ بھلے۔ لہہیو میری پچھان تے میرا مان اے۔

عمرانہ مشتاق

رہیا میں ڈرنی آں اوس ویلے توں جدوں ساڈے پیراں توں دھرتی کھچ لی جاوے گی۔ اللہ نہ کرے ساڈے پیراں توں دھرتی کھچ لئی جاوے۔ آمین۔

میری والدہ صاحبہ سیدہ سیکڑہ فرحت اردو تے پنجابی دو آں زبانوں اچ شاعری کردیاں سن۔ اردو نا لوں پنجابی وچ اوہ زیادہ شعر کہندیاں سن ایس لئی پئی ایہہ اوہناں دی وی ماں بولی سی تے ایہدے وچ شعر کہندیاں ہو یاں اوہناں نوں کوئی اوکھا نہیں سی لگدا۔ اوہناں دی بہتی شاعری ایس بولی وچ اے تے خاص کر اوہ نعت لکھندیاں سن تے نعت نوں اپنی زندگی داسر ماہیہ جاندیاں سن۔۔۔ مینوں یاد اے پئی جدوں میں چوتھی جماعت وچ پڑھدی ساں ایہہ اوہدوں دی گل اے، سکول توں گرمیاں دیاں چھٹیاں سن۔ میری امی دی عادت ہوندی سی کہ ایس اوہدوں تیکر ناشتہ نہیں ساں کر سکدے جد تیکر قرآن پاک داسبق اوہناں کولوں نہیں ساں لے لیندے۔ جے کدی ایس توں ہٹ کے ہوندا تے اوہ ساہنوں ناشتہ نہیں سی دیندیاں، کیوں جے میری والدہ صاحبہ قرآن پاک دی حافظہ وی سن تے قاریہ وی۔ اک دیہاڑے میں ایویں ضد وچ آ گئی کہ سپارہ پڑھن توں پہلاں ناشتہ کراں گی پر والدہ صاحبہ نے ساہنوں اجازت نہ دتی تے سختی مال حکم دتا کہ پہلاں سپارہ پڑھ فیر ناشتہ ملے گا۔ میں نراض ہو کے کوٹھے تے ڈنچی ہوئی منجھی تے جا کے لمے پے گئی تے روندی جاواں تے مال پنجابی وچ اوس ویلے دی سمجھ کارن ٹھے بھجے شعر پڑھنے شروع کردتے۔ اوہ شعر کہہ نہیں بس مینوں ایہو یاد اے کہ کجھ ایسراں سن:

اے خاتون جنت بی بی صلحہ میں رورو حال و نجاواں

سن عرضاں میریاں۔۔۔ کر دو مرضاں میریاں

میں تاں رورو حال و نجاواں

ہنس تاں وی انج ہوندا اے۔ پی ایچ ڈی ایم فل کرن توں بعد وی جدوں کدی دکھی ہوئی آں اپنا حال اپنی ماں بولی پنجابی وچ ای بیان کیتا اے تے ہنس وی جے کوئی میریاں بالاں کولوں

تیرے ورگا ہور نہ کوئی، توں سب توں زور آور
خورے کاہنوں لوکی اتھے تگڑیاں کولوں ڈردے
سوہنیا سائیاں میرے دل دیاں بدل دے ہُن تقدیراں
کتھوں تیکر ویکھی جاواں غم دے بدل وِردے
مائی سوہنار ب جے لاہوے گاتے لیہہ جاون گے
بے عقلاں جے پا دتے نیں عقلاں اُتے پردے

دُعا

سوہنیا مولا، سچیا ربّا ! اپنی رحمت کر دے
میرے سچے پیار دعاواں والا ٹھوٹھا بھر دے
توں بے پروا، تینوں کوئی مَنہے یا نہ مَنہے
سچی گل اے، تیرے باہجوں کسے دے کم نیں سردے
رات دی بکل وچوں سورج نوں جے توں اے کڈھیا
دل دے ویڑے وی توں ہُن خوشیاں دا چانن کردے
جگ دے ایس سمندر اندر ڈُب گئے قہراں والے
جیہڑے تیرے قہر توں ڈردے، اوڑک اوہیوتر دے

کیہہ صفتاں اوہناں دیاں لکھاں اتھے آ کے مُک چاندے
حرفِ خیال، تفکر سارے بڑے بڑے داناواں دے
غارِ حرا وچ اوہناں دے مُکھ نے جو چائن کیتا سی
اوپدے نال ای سچے سارے منظر اپنیاں راہواں دے

نعت

پاک نبی دے سوہنے ناں تے مہکے حرفِ دعاؤں دے
ذکرِ حضوری آیا، روشن ہو گئے ورقے ساہواں دے
آپ دے سوہنے ناں دے صدقے میری بخشش ہووے گی
حشر دیہاڑے لیہہ جاوَن گے سرتوں بھار گناہواں دے
اک دن میں اوہناں دے دَر تے جاواں تے فرمہکن رنگ
میرے دل دیاں سدھراں دے میری اکھیاں دیاں چاہواں دے

جان گنوا نی پیندی اے منہ دی کھانی پیندی اے
عشق دا اول کہہ آوے گا پڑھ پڑھ عشق مقالیاں نوں

کہہ پچھاں کہہ دساں میں کہہ روواں کہہ ہساں میں
پیار دا کم اچیرا اے ملیا کرماں والیاں نوں

کنڈیاں ہتھ اُسارے نیں راہواں پھل کھلارے نیں
مائی کدی نہ ویکھیا سی میں پیراں دیاں چھالیاں نوں



ربا توں ایس آ کے ہُن کھول دلاں دیاں تالیاں نوں
آپ وی رستے بھل گئے رستے دسن والیاں نوں

ڈھورے بھورے جسے نیں سچ جنہاں توں رُسے نیں
ہتھ ودھائی پھر دے نیں سچ دے زہر پیالیاں نوں

مڈھاں دے اندراتے نیں کیوں ودھ کم ذاتے نیں
کدھاں لاء کے ویکھن گے ایہہ اکھاں دے جالیاں نوں

بلدی اگ وچھوڑے دی دل دا دارو بن گئی اے
ہجراں ساڑھ سواہ کیتا اوڑک درداں والیاں نوں

میں کیہہ دساں آٹا بولے
بھید دلاں دے سارے کھولے
وَن سَوْنے دُکھڑے پھولے
یاد کراں تے جسا ڈولے
پاوے ہور فتور

میرے ویہڑے وچ تندور

اک ہتھ پیڑا تھپدا جاوے
دو جا اگ نال کھپدا جاوے
اگ پھرو لے تپدا جاوے
ورد ڈھونیں دا جپدا جاوے
اکھیں چڑھیا بور

میرے ویہڑے وچ تندور

ویہڑے وچ تندور

پچھ نہ کڑیے میتھوں ایہہ گل
سرتوں لنگھ گئی پانی دی چھل
پانی دل وچ ہنجواں گنجل
بن گئی یاد غماں دی بھیل
بھیل اندر نور

میرے ویہڑے وچ تندور

نور دلاں دا چانن ہویا
میں چانن دا ہار پرویا
بھار مصیبتاں والا ڈھویا
فیروی اکھ نے درد نہ رویا
درد بڑا مجبور

میرے ویہڑے وچ تندور

گوڑھی شام دا بدل

چار چو فیرے رُوپ فضاواں نے کج ہورای دھار لیا اے
میرے دل دارنگ ہواؤں اج سمندر پاروں لے کے
آگیاں نہیں

نمے نمے منظر میریاں اکھیاں دے
درد سمندر بندے جان دے نہیں
میرے جسے اندر لہووی پانی ہوندا جاندا اے
اوہدیاں چھلاں تیریاں یاداں دے زخماں وچ
انج کرلاٹاں پاندیاں نہیں
جیویں کوئی شام دا پنچھی

ویہڑے وچ تندور کیہہ آیا
آٹے نال آٹا ٹکرایا
ہاسیاں وی گج رنگ دکھایا
گلیں باتیں چن چڑھایا
ہسیا رب غفور

میرے ویہڑے وچ تندور

اک نے اک دے ہتھنوں گھٹیا
دوجی نے اک پیڑا سٹیا
روٹیاں والا میلہ لٹیا
ہاسا وچ چنگیرے پھٹیا
ہاسا رب دا نور

میرے ویہڑے وچ تندور

مری ونگاں دا چوکھا رنگ

مری ونگاں دا چوکھا رنگ

میرے دل دیاں سدھراں نوں کج ایویں جگاندااے

کہ جیویں دردہاڑے رات دی اکھیاں دے ہڑاندر

لہو دے شوکدے دریا جگانداے نیں

مری ونگاں دا چوکھا رنگ

تیری یاد دے رنگاں نوں چوکھا کردا جگاندااے

جے میرے جاگدے نیں دن تے میرے غم دیاں راتاں نوں وی

چوکھا جگاندااے

ایہہ مری گل نہیں سن دا بس اپنی گل منانااے

تری نگی جی گل تے کئی گلاں بنانااے

مری ونگاں دا سوہا رنگ چوکھا ہوندا جگاندااے

اپنے گھرتوں دُور تھلاں وچ

گوڑھی شام دے بدل پٹھاں

اپنے وچھڑے سنکیاں ساتھیاں نوں کرلانااے

اوہدے دل دارنگ وی گوڑھے شام دے بدل وانگوں

گوڑھا ہوندا جگاندااے

ایویں کون تقدیر نوں تولدا اے
 شاہ حسین اوتھے بھید کھولدا اے
 جتھے کوئی ناہیں سچ بولدا اے
 تیرا عشق کسے ان بھول دا اے
 عشق ہیریاں نوں مٹی رولدا اے
 جنہوں ویکھ آسمان وی ڈولدا اے

شاہ حسین دی گل ناں سُن کڑیے

شاہ حسین تے درد جگاوند اے
 جدوں درد وچھوڑا ستا وندا اے
 ہاڑے پاوند اے کرلا وندا اے
 کدی ہجر دی سولی چڑھا وندا اے
 کدی دُکھاں دا سالن کھوا وندا اے
 بالن آہیں دے نال اگ لا وندا اے
 تھیا تھیا اوہ عشق نچا وندا اے
 شاہ حسین دی گل ناں سُن کڑیے

شاہ حسین دی گل

شاہ حسین دی گل ناں سُن کڑیے
 اوہدی گل دا مان نہ مان کڑیے
 نکل جائے گی تیری وی جان کڑیے
 شاہ حسین دی گل ناں سُن کڑیے
 گئے عشق دا روگ اوڑا اے
 دل اپنا گلھ مکھڑا اے
 کسے ہتھ تکرئی ساڈے ہجر دی اے
 اوہدے وچ آسمان دا پلڑا اے
 شاہ حسین دی گل ناں سُن کڑیے

تیرے ناپ دی نہیں کفنی ہجر والی
 عشق ہجر چہ ساڑھ سواہ کردا
 تینوں جین، اوہنوں جان کڈھن دا چاء
 عشق مار دیندا، نہیں آپ مردا
 شاہ حسین دی گل ناں سُن کڑیے
 اوہدی گل دا مان نہ مان کڑیے
 نکل جائے گی تیری وی جان کڑیے
 شاہ حسین دی گل ناں سُن کڑیے

شاہ حسین فقیر کبیر ہویا
 وچ کنڈیاں لو سریر ہویا
 ٹٹے دلاں دا ایسا خمیر ہویا
 سانوں جوڑیا تے لیر و لیر ہویا
 اوہدے عشق دا روگ اخیر ہویا

شاہ حسین دی گل نہ سُن کڑیے
 اوہدے عشق دی راہ نکا سوئی دا اے
 دھاگا ذات تے نین پَرین ہویا
 حق آکھدی آں، سچ بولدی آں
 سچ بول کے وی کتھے کہین ہویا
 جے توں سنیں مہتھوں، تھے اج دی گل
 کیہڑا عشق چہ شاہ حسین ہویا
 اوہنے سیہڑ لیا اوہ وی درد کڑے
 جیہڑا درد نہ کسے توں سیہن ہویا

ناں کوئی نچدا بلھے وانگ

کیہہ پچھدا ایں، کیہہ دساں میں، کیہہ میں لیکوں لائیاں
 دل دیاں گلاں کیہہ میں آکھاں، میرے دل دے آسائیاں
 نمیاں نمیاں اکھیاں اندر پیاں درد جدائیاں
 ہجر دے جنگل بیلے ہیراں بلھے وانگ کراہیاں
 ”بلھے نوں سمجھاؤں آئیاں، بھیناں تے بھر جائیاں“
 کنہوں تاہنگ اے سولی چڑھن دی، کنہوں چاء مرن دا
 ریت تھلاں دی پا کے سر تے کنہوں وَل ٹرن دا
 رنگے کپڑے پا کے اتھے ہر کوئی بلھلا بن دا
 ہیراں نیں وی سہیڑ لیا اے رشتہ سوہنے چن دا
 درد وچھوڑا سہہ لیا اپنا، اکھیاں مار کے ڈھائیاں
 ”بلے نوں سمجھاؤں آئیاں، بھیناں تے بھر جائیاں“

نویں تے پرانی نسل دا دکھ

نکے ہوندیاں سبتوں وڈا اگواى رولا ہوندا سی
 چادر چک کے ماں دے سرتوں
 کڈھ دیندے ساں، جیہڑا دھولا ہوندا سی
 وڈے ہوندیاں کتے ای رولے پے گئے نیں
 سوہل دھیاں دیاں سراں چوں دھولے کڈھدے کڈھدے
 ماپے ہولے پے گئے نیں



اڈھے رستیوں اپنی کنڈ لکا کے مڑ نہیں جائی دا
 پورا بھار وٹھائیے جے فر کسے دا بھار وٹھائی دا
 بن جائے گا اوہو اک دن حال تری رسوائی دا
 کسے دے اگے کدی نہیں اپنے دل دا حال سنائی دا
 جھوٹھے لوکی، جھوٹھی دُنیا، جھوٹھے سنگی ساتھی نہیں
 اتھے تے ہُن رہ گیا نہیں اِتبار اپنی ماں جائی دا
 تھنڈے دُدھ نوں پھوکاں دے کے دس تینوں کیمہ لبھیا اے
 بھریا بھانڈا وی ڈلھ جاندا اے اوہ جدوں ہلائی دا

ناں کوئی سچ دی تسبیح پھڑدا، نہ کوئی درد پرووے
 چٹے کپڑے تن تے چاڑھ کئے دل دا میل نہ ڈھووے
 ناناں کوئی نچدا بلھے وانگ تے ناناں کوئی بلھا ہووے
 ویلے دا ہڑ سوہنیاں نوں پلسیٹے مار ڈبووے
 وچ رسونیاں ایویں ای ہیراں روئیاں تے کرلائیاں
 ”بلھے نوں سمجھاوَن آئیاں، بھیناں تے بھر جائیاں“
 میں وی تے فیر اوہدی ساں جے اوہدے وانگ نہ کوئی
 رات دنے اک اوہدے لئی میں پنڈ غماں دی ڈھوئی
 اپنے سینے اندر اوہدے پیار دی تاہنگ پروئی
 ”رانجھا رانجھا کردی اک دن آپ ای رانجھا ہوئی“
 واہ او میریا سچیا ربّا تیریاں بے پروائیاں
 ”بلھے نوں سمجھاوَن آئیاں، بھیناں تے بھر جائیاں“



ٲٲ ٲٲ تٲاں آل دوالے
کیمہ کیمہ لوکاں روگ نیں پالے
چن دے ڈکرے کر کر ویکھن
اُتوں سوہنے اندروں کالے
دوجیاں نوں ایہہ کوچھے آکھن
لاہندے نیں اکھیاں دے جالے
رانجھے نے کیمہ ونجلی پھڑ لئی
رہ گئی کئی ہیر سیالے

اوہ تے غیر سی، غیر رہوے گا، اوہ دے تے کیمہ اپنا زور
اپنی جان وی اپنی نیں، ایہہ سارا سا تھ پرائی دا
نفرت دا اک بول وی چھل دیندا اے درد کھریںڈاں نوں
بھڑکے ہور وی، بلدی اگ تے پانی جنہاں پائی دا
سُتی ککے جگان توں مائی چپ رہنا ای چنگا اے
اپنی رت بچوئی ہووے تے رولا نیں پائی دا

وارث شاہ

ایہہ دُنیا کئی کوچی اے
ترے عشق دی گل وی سُن دی نہیں
ترے پیار دی گل نوں جان سکے
ایہہ دُنیا کسے وی گُن دی نہیں

توں روویں ہیر نمائی تے
جیہڑی ہیر سیال دی جیئی سی
جسے چرنا کتیا ہجراں دا
جسے پیار دی پونی وئی سی

ہجر دی اگ بجھاون لئی وی
پیار دلاں دا بالن بالے
اکھیاں وچوں مُک گئے ہنجو
سرگیا تیل تے بچھ گئے آلے
درد تھلاں وچ ٹردیاں مائی
پے گئے نہیں پیراں وچ چھالے

اتھے لکھاں عشق دے ویری نہیں
اتھے لکھاں ہیراں رُل گیاں
اتھے رات دے تارے کیہہ دسن
دن نوں وی راہواں بھل گیاں

ترے حرفاں تیریاں سوچاں نہیں
جے ہیر دا درد وٹایا سی
میرا وی مان ودھا دیندا
جے اوہدا مان ودھایا سی

میں بھاویں ہیر سیال نہیں
میںوں عشق نے سولی چاڑھیا اے
جے اوہنوں ہنجواں ساڑیا سی
میںوں وی ہنجواں ساڑھیا اے

اوہ ہیر جیہڑی من موہنی سی
توں اوہدیاں گلاں کیتیاں نہیں
سدھراں نہیں تیرے دل دیاں وی
اوہ تیریاں وی ہڈ بیتیاں نہیں

ترے سُفنے پیار دے سُفنے سن
تینوں ہیر دا درد رواندا سی
تینوں اندروں اندریں گھن وانگوں
راجھے دا غم وی کھاندا سی

ہُن کیہدے سینے درد ایناں
ہُن کیہڑا وارث شاہ ہووے
جیہڑا پیار دے رنگ نوں رنگ دیوے
جیہڑا ہیر دے دُکھڑے سُن رووے

میں ہیرتے ہیراں ہور وی نہیں
جو میرا حال اوہ سب دا اے
مینوں میریاں حرفاں رول دتا
مینوں وارث شاہ نہیں لبھدا اے



عشق آسمانے ٹاکیاں لائیاں
ہیراں پھردیاں وانگ سودائیاں

ورد کہانی کنہوں دساں
ڈکیا دل نوں بھیناں بھائیاں

منزل پاروں اپڑن تائیں
خورے کیتا کیہہ کیہہ راہیاں

توں ناں ملیا، اکھیاں دے وچ
فیر اوہو سوغاتاں آئیاں

کملے دل نوں سمجھ نہ آوے
عشق دی راہ وچ ٹپے، کھائیاں

پیار وی کتنا گنا ہویا
اکھ محبوبی، کم جوانیاں

سکھ دی چھاویں بہہ لیندے ساں
ویہڑے غم دیاں دھپاں آئیاں

تیرے باجھ نہ جیوے مانی
سوہنیا ربا! سچیا سائیاں!



مینوں کاہدی خبر سی کائی، عشق دا چاء وی لیہہ جاندا اے
پاتھیاں تھپدے تھپدے اک دن دل نوں تھپنا پے جاندا اے

میرے اپنیاں لیکھاں مینوں مار مکایا، اُنج تے اوہ وی
میری گل وی سُن جاندا اے، اپنی گل وی کیہہ جاندا اے

ڈھلدی شے دا مان کیہہ کریے، جندڑی والا ایہہ پرچھاواں
ڈیہندیاں ڈیہندیاں اک دن ٹھدیاں کندھاں وانگوں ڈیہہ جاندا اے

سچی گل جے پچھیں، دل دی گل کدے وی لگ نہیں سکدی
پیار اظہار وی منگدا، نہیں تے رہندا رہندا رہ جاندا اے

پیار اے بکھے وانگوں نچدا، جھوٹھ فریباں توں اے بچدا
پیار تے سدھا ساوا ہندا، سدھی ساوی کیہہ جاندا اے
پیارے لکائیے تے فر مائی گج نہیں بچدا سینے اندر
پیار اے جیہڑا جُستے اُتے پہاڑ غماں دے سہہ جاندا اے



ہولے ہولے جد سینے وچ سدھراں پیر کھلار لئے
اپنے پیار دے تیرے نال میں اُچے محل اُسار لئے
لیکھاں باہجوں گل نہیں ہوندی، لیکھاں تے گل مکدی اے
جیہدے لیکھ نہیں چنگے، اوہنیں ڈبے گھرے وے تار لئے
عشق دے بول نہیں بہت ای سوکھے، عشق دا پینڈا اوکھا اے
جیہڑا چکے، اوہدے سر توں عشق دے کدی نہ بھار لئے

جان لباں تک آ گئی بھاویں؛ درد کسے نوں دسیا نہیں
اسیں تاں اپنے سارے ہوکے اپنے اندر مار لئے
دل دے سچے پیار نوں مائی اکھاں کدوں لکوندیاں نیں
کسے نوں بھاویں گلئیں باتیں کوئی کٹا چار لئے

کنہوں دساں

مائے نی میں کنہوں دساں اندر والی گل
اندر والی گل دسیے تے لیہہ جاندی اے کھل
مائے نی میں کنہوں دساں اندر والی گل

پیار سندیسے ٹور کے وی نہ ملیا مینوں پیار
کلی بیہہ کے کردی رہی میں ایویں ہار سنگھار
سر توں لنگھ دا جاوے ہجر دا پانی چھلّو چھل
مائے نی میں کنہوں دساں اندر والی گل

عشق دا بھارتے اپنے موڈھیں آپ ای ڈھونا پیندا
درد اپناتے آپ ای ونڈنا، آپ ای رونا پیندا
عشق دا بدل وردے ویلے دیندا کوئی نہ ٹھل
مائے نی میں کنہوں دسناں اندر والی گل

ساہواں سینہ چھاننی کیتا، باہروں ہسن بُکھیاں
دل نے کس دے ہاڑے پائے بھید نہ دسن بُکھیاں
دس دیون تے کھیہ آجاندی اوڑک سر دے دل
مائے نی میں کنہوں دسناں اندر والی گل

دُنیا بڑی سیانی اے تے کملی پیار دی ذات
دِن وچ نہر مچا دیندی اے، پا دیندی اے رات
پیار محبت سدھا ساوا، دُنیا چل سو چل
مائے نی میں کنہوں دسناں اندر والی گل

نکیاں نکیاں عمراں وچ جے پے جان عشق سیا پے
بھار مصیبتاں والے سارے ڈھونئیں سکدے ما پے
ایس مسلے دا حشراں تائیں کڈھیا کسے نہ حل
مائے نی میں کنہوں دسناں اندر والی گل

ایہنے اڈ پڈ جانا اے
کیہہ پیار نبھانا اے
ایہہ ڈردی ویلے توں
میں ڈردی لیہدے توں
کس درتے جاوے گی
کیہہ رنگ دکھاوے گی
ایہہ نار پٹولیاں دی
دُنیا بڑبولیاں دی

سیانی گل

ایہہ نار پٹولے دی
ایہہ بھید نہ کھولے دی
ایہہ ڈردی کھیڑیاں توں؟
یا خالی ویہڑیاں توں؟
سانہوں اندر تاڑے گی
ایہہ جھگا ساڑے گی
ایہہ وختاں ماری اے
کیہہ دل توں ہاری اے

جے عشق جان نہ کڈھے تے ایس دھرتی تے
دلاں نوں مل کے شریکاں نے مار دیتا اے
نویں زخم دا پواڑہ کتے نہ پے جاوے
کھرڈ پہلے زخم دا اُتار دیتا اے
توں ایویں کچا گھڑا لے کے ٹر پئی مائی
چہاں نے کد کسے سوہنی نوں تار دیتا اے



جے آپ مر گیا، سائھوں وی مار دیتا اے
کسے سماج نوں ایناں سُدھار دیتا اے
جے ماں نہیں تے بھراواں داماں کیہہ کریئے
دعاواں کیتیاں ناں سرتے پیار دیتا اے
خدا نے دتی جوانی تے اوہ وی دو دن دی
غماں دا چار دناں دا وچار دیتا اے
جے مینوں تاہنگ نہیں تیرے کول آون دی
ملن دا توں وی تے ویلا گزار دیتا اے



پیار چہ اینیاں گنجلاں پا کے کیہہ لبھیا
اُچیاں نیویاں راہواں جا کے کیہہ لبھیا
بندہ بندے دا داڑواے کیہندے نیں
پر ایہہ داڑواکھ وچ پا کے کیہہ لبھیا
دل دا ورقا فیروى خالی رہ گیا اے
ہجر کتاباں پڑھن پڑھا کے کیہہ لبھیا
عمر اں دے جگراتے کٹنے پے گئے نیں
اودھے نال ایس دل نوں لا کے کیہہ لبھیا



کدی نہ حیاتی وچ زہر کوئی گھولے
کے نال کدی وی ناں اُچا نیواں بولے
لبھ جاوے آہر کوئی نویں گل بات دا
دُکھ مل جھل سارے اپنے پھرولیے
اپنی ات چک ناں توں اک دن رل کے
ہتھاں دیاں دتیاں نوں دنناں نال کھولے
دوجیاں نوں کیہن والے اسیں وی تاں جھوٹھے آں
آپ سچ بولے تے کسے نوں ناں تویے



پکاں اُتے ہنجاواں والے دیپ جلانے آں
اسیں وی کیہہ کیہہ ویکھ سمجھ کے دھوکھے کھانے آں

اپنیاں سوچاں اُتے ساڈا چلدا نہیں جے وِس
چن ول ویکھ کے خورے کاہنوں لُگ چھپ جانے آں

تیرا درد وچھوڑا جد حدّوں لنگھ جاندا اے
اوڑک تیریاں یاداں دی کنڈی کھڑکانے آں

پہلاں لا لینے آ پیار محبت والا روگ
جے ایہہ روگ نہ جاوے تے دل نوں سمجھانے آں

پیار محبت سُن دے ساں پرہُن کتھے
دُکھ دی کفنی گل وچ پا کے کیہہ لبھیا

سُچے موتی مٹی وچ رُل جاندا نئیں
اکھیاں وچوں نیر وگا کے کیہہ لبھیا

تاریاں بھریا ایہہ اسمان تے تیرا نہیں
مائی چن دیاں آساں لا کے کیہہ لبھیا



اپنا آپ وکھانا کاہنوں
جاندا ساک نبھانا کاہنوں

وچ میدانے عشق نبھائیے
جھاڑ کے پر اڈ جانا کاہنوں

چٹی ہو گئی تھوڑی تے نہیں
دل نون ہور روانا کاہنوں

اپنے آپ نون ویکھ کے ٹریے
لوکاں نون سمجھانا کاہنوں

اپنے آپ نون اچا کرن دی لے کے دل وچ تاہنگ
کدی کدی تے ہو روی نیویں ہندے جانے آں

جگ نے کدی نیاں نہیں کیتا کمزوراں دے نال
فیر وی اپنی بنی لیہدے ہتھ پھرانے آں

بے قدراں دے نال وی مائی کر کے سچا پیار
سچ پچھوتے اپنی رت وی آپ گنوانے آں



راتاں تے رنگ چڑھ گیا یاداں دے رنگ دا
پر کیہہ کراں کہ دن وی نہیں ایویں لنگدا

جے ایہہ نہیں قصور کسے بھکھ ننگ دا
کیوں لیرو لیر ہو گیا کڑتا ملنگ دا

سوچاں دی بلدی اگ اے ساہواں نوں ساڑھ دی
ویلے دا ناگ روز اے جسے نوں ڈنگدا

دساں میں کیہہ کہ چندوی لائی اے اوہدے ناں
ویکھے نہ رنگ جیہڑا مرے دل دے رنگ دا

جتھے بندہ رُل گھل جاوے

اوس پاسے فر جانا کاہنوں

بھید جے دل دا دسن اکھیاں

چپ دا جنڈرا لانا کاہنوں

مائی اتھرو موتی تے نہیں

پکاں پٹھ لکانا کاہنوں

دنیا تے حشر تائیں پھرائی نہ اپنا ہتھ
بندہ جے دل دا درد وی ایہدے توں منگدا
مائی توں ایہہ تے ویکھ کہ ٹھڈے نہ دل کدی
شیشے دا حال ویکھ کے پتھر جے سنگدا

مہکدے ساہواں داسرناواں

میں رات دے گوڑھیاں نیہریاں اندر
ہورای منظر ویکھے سن

گج منظر تیریاں سفنیاں دے

گج منظر تیریاں یاداں دے

گج منظر تیریاں راہواں اُتے کھلرے ہوئے پھلاں دے

گج ہوروی منظر ویکھے سن

اوہ منظر مینوں یاد آون تے انج لگے

جیویں اوہ سارے منظر میرے اُس ویلے دے منظر سن

جس ویلے کوئی ویلا وی خوشیاں توں خالی نہیں ہوندا



لائی عشق نے سانجھ تے فر چپ کر جا کڑیے
دل توں نہیں تے ویلے توں ای ڈر جا کڑیے
عشق داکم ای کیہہ اے، ایہہ تے کہہ دیندا اے
کچے گھڑے نوں پھڑکے ہتھ وچ، تر جا کڑیے
جھلی ہو کے پھرنا تے چنگا نہیں ہندا
عقلاں والے ڈاھڈے نیں، توں ہر جا کڑیے
اوڑک اک دن تاپ عشق دالیہہ جانا ای
کملی ہوئی کیوں پھردی این، گھر جا کڑیے

تے خوشیاں وی گج ایہو جہیاں

جہاں اُتے غم دا پر چھاواں وی کدی پیاناں ہووے
اوہ منظر مینوں آج غم دیاں کالیاں راتاں اندر جدوی یاد آون
تے انج لگدا اے

تیرے غم وچ گھلدی ہوئی جندڑی دے

ہُن جنہے وی ساہ رہ گئے نیں

اوہ مہکن لگ پئے نیں

پر فیر میں غم دیاں کالیاں راتاں ول تکدی آں

مینوں ایسراں جا پدا اے

ایہہ میرے مہکدے ساہواں اُتے

تیرے غم دا پر چھاواں بے ناں پیندا تے میری جندڑی

کئی بنجر ہو جاندی

تیرا وَر تے تیریاں ماپیاں دی مرضی اے
توں کہہ سُن کے لینا، توں اندر جا کڑیے
دُنیا دشمن پیار وفا دی، حُسن حیا دی
غیرت نہیں تے زہرای کھا کے مر جا کڑیے

کیدو کسے دا دشمن نہیں

کیدو کسے دا دشمن نہیں
کیدو میرا وی دشمن نہیں ہو سکدا
کیدو کسے دا وی دشمن نہیں ہو سکدا
کیدو میری عزت دار کھوالا اے
کیدو سب دی عزت دار کھوالا اے
میں اوہ ہیراں
جیہڑی کیدو دی گل من کے
اپنے گھر دیاں کندھاں تکدی رہنی آں



سوچ رہی آں مانی کُلی بیہمہ کے میں
اوہدے ناویں چندڑی لائی کاہدے لئی

تے رانجھن جیہڑ امیرے چھوٹے جے دل اندر وسدا اے
اُچے اُچے محل چبارے کولوں کسراں اُچا ہووے
کیدو جیہڑ ایہناں محل چباریاں توں وی اچا اے
کیدو اگے اوہدی ذات ای کیہہ اے
نگی جی اوہدی اوقات ای کیہہ اے
ایس لئی پئی کیدو کسے دادِ ثمن نہیں
کیدو گل زمانہ اے --- !!

اُچے اُچے محل چبارے
میرے گھر دیاں کنداں نیں چلے ہوئے نیں
کیدو ایناں دار کھوالا
کیدو میرا وی رکھوالا
میں کسراں کیدو دی گل نوں موڑاں
میں ایہہ جان دی آں
کیدو میرے گھر دیاں کنداں توں وی اچا اے
میریاں ماپیاں دی اچیاں کیدو دی اچیاں نال ای رہندی اے
جے کیدو ناں گھر وچ ہووے
میرے ماپیاں دی اچیاں رہندی نیں
کیدو جیہڑ امیری عزت دار کھوالا اے
اوہدی گل نوں چھڈ کے
میں کیوں رانجھن دی گل منہاں
رانجھن میرے محل چبارے توں تے اُچا ہو نیں سکدا
میں تے آپ وی اپنے محل چبارے کولوں چھوٹی آں

ایس بے دردی ویلے اندر دُکھ سُکھ کون ونڈائے
 کنہوں اینی ویہل، سراں توں پنڈ غماں دی لہاے
 کیہڑا ایناں ویہلا، دو جے دل وچ جھاتی پائے
 ۶ تھے سچے ساک نیں کیہڑے، توں ای دس نی مائے

نفرت والا رنگ چڑھایا ساڈیاں ساکاں ستاں
 دس نی مائے ہور میں کنا دُکھ دا چرخہ کتاں

جیہڑے کسے دے کم آ جاوَن بھگتن ہور پھٹیکاں
 کر لیا اپنی ٹورنوں ہور ای ایہتھوں دے وسنیکاں
 ونڈی جاوَن راج سماج نوں دلاں چہ مار کے لیکاں
 سانہوں چھڈیا کسے نہ جوگا طعنے مار شریکاں

چُگی ویریاں اُت تے ماریاں گیاں ساڈیاں ستاں
 دس نی مائے ہور میں کنا دُکھ دا چرخہ کتاں

ویلے دا پرچھاواں

دس نی مائے ہور میں کنا دُکھ دا چرخہ کتاں
 رُوں دے وانگوں اڈ اڈ جاوَن کچیاں کنڈاں چھتاں
 سوت دی اٹی مُک جاوے تے رہن نہ اکھ دیاں رتیاں
 ساڈے دل دا مان نہ رکھیا ساڈے ساہواں ستاں
 اوڑک پیارنوں مار کے چھڈیا درد دے پانی پتاں
 دس نی مائے ہور میں کنا دُکھ دا چرخہ کتاں

ایس ننگے اسمان دے پٹھاں دُنیا ننگی لگے
 ہر بندہ دو جے بندے نوں سداں وانگوں ٹھگے
 حال غریباں دا، جیویں سہمکن تریائے ڈھگے
 سراں چہ کھیہ پیراں وچ چھالے، گلاں چہ پائے جھگے
 ویکھ کے ٹٹے دل تے ٹٹیاں بانہواں، ٹٹیاں کتاں
 دس نی مائے ہور میں کنا دُکھ دا چرخہ کتاں

جو کج ایہہ منگن، ایہناں دی جھولی پا دے
چنگا نہیں جے ماپیاں کولوں دھیاں رُس کے جان
چڑھدے سُورج درد وچھوڑا ڈسدا جُسے نوں
رات پوے تے ناگ بجر دے مینوں آن ڈران
جیہدے پٹھ گزاریاں ٹھنڈیاں چھاواں پیار دیاں
رہ گئے نہیں ہُن مائی اوس ٹالی دے سگے ٹاہن



عشق دی مگلی مار کے اوہنے کڈھ لینی سی جان
چنگا ہویا کیتا نہیں میں اوہدے ول دھیان
سوچدی آں میں فیر اوہ کے داسر کیہہ بکے گا
بھکھا ننگا آپ جے ہووے ویلے دا سلطان
سچی گل اے، فضل خدا دا کتھوں تیک رہوے
جے ناں رکھے اتھے کوئی کدے کسے دا مان
شکر دوپہرے اپنے گھر دیاں کچیاں کنداں تے
راتاں دا پر چھاواں پڑھ کے ویکھاں ول اسمان



ایہہ ساڈھے ہمسائے نہیں تے ماں پو جائے نہیں
خورے کنہاں نفرت والے تیر چلائے نہیں
ساڈھے غم دیاں راہواں اندر رات دے تارے وی
نیہرے لے کے چڑھدے سورج وٹوں آئے نہیں
ایویں عمر گزاری رو رو اپنیاں لیکھاں تے
اسیں تاں اپنی اکھ دے موتی آپ گنوائے نہیں
جنہاں نوں میں اکھاں دی رشنائی جانیا سی
اوہ وی تیریاں یاداں والے گوڑھے سائے نہیں



جیہڑے لہینوں لہو دیندے سن، اوہ سبھ جُستے ڈیہہ گئے نہیں
ایس دھرتی تے ساڈھے ورگے دلاں دکھولے رہ گئے نہیں
کچیاں تنداں نال کدی ناں جڑیاں کنداں پیار دیاں
میں کیہہ آکھاں، ایہہ سچی گل سھے سیانے کہہ گئے نہیں
شکلاں جنہاں روز وکھائیاں نویاں میرے دیس دیاں
مائی اوہ وی جھگ دے وانگوں پانی اُتے بیہہ گئے نہیں

ساڈی عمر دیاں خوشیاں وی نال ای لے گئے نیں
اسیں تاں جیہڑے دن وی تیرے ناویں لائے نیں
توں کیہہ جانے ہک جھلی ٹیار نے تیرے لئی
کنڈیاں اندر رہ کے پیار دے پھل اُگائے نیں
جے ناں دل دی سانجھ رہوے تے کیہہ دسیے مائی
کون ایس دھرتی تے اپنے نیں، کون پرانے نیں



لیہناں نیں اوڑک مُک جانا دل دیاں لکھتاں نال
کتھوں تائیں ٹردے جائیے خالی ورقیاں نال
کاہیاں ویکھ کے سُولاں وانگوں سینے وجدے نیں
خورے اوہنے کیہہ کر دیتا ساڈیاں ساہواں نال
دُکھاں ساڈے آل دوالے راہواں بھریاں نیں
منزل کاہدی ساڈا ساتھ اے ڈھونگے پینڈیاں نال
توں ای لیہنوں ساڈے دل توں کھرچن لگ پیا ایں
اسیں تاں تیرا ناں لکھیا سی بوہت ای چاہواں نال



دیوے دی جے تھی تھی لو ہندی
سچ کہنی آں چھیتی سگری پو ہندی

آ جا مڑ کے پیا وفا دیاں راہواں تے
میتھوں نہیں اے پنڈ غماں دی ڈھو ہندی

تینوں دیکھ کے دی میں مورکھ آ کھیا نہیں
آکھ ای دیندی بھاویں ہندی جو ہندی

انکھ دے مارے مار مکاندے ہیراں نوں
جے اے ساری دُنیا ای کیدو ہندی

اوہ وی ایس دُنیا داری دے اندر رُجھ گیا
جنہوں اپنے رب توں منگیا آس مراداں نال

درداں والیاں اوہنے فیر دکھائیاں تعبیراں
اوہنے فیر دھرو کر چھڈیا ساڈیاں سفنیاں نال

پیار اچ ہار کے میرے دل تے بھید اے گھلایا اے
جندڑی ہندی ماں دے نال تے مان بھراواں نال

ساہنوں چھڈتا اے ساڈے ساہوی کڈھ لئے نہیں
ایدھاں تے کوئی نہیں کردا مائی اپنیاں نال



دکھاں نال ایناں بھر گئی آں
خوشیاں آئیاں تے ڈر گئی آں

لنگی ساں کیہڑیاں تھلاں توں
جتدی جتدی میں ہر گئی آں

کیہہ مینوں پتا سی بے دھیانے
میں اوہدیاں گلاں کر گئی آں

اوہ میرے بغیر جی رہیا اے
میں اوہدے بغیر مر گئی آں

جیندے جی ناں مر جاندی میں جان دی آں
جے ایہہ چاہت تیتھوں ہور لکو ہوندی

ایس جگ اندر کنہی سوکھی رہندی میں
باہروں اک تے بھاویں اندروں دو ہوندی

مائی جے ناں ہوندی ڈور دی کچی تند
اینی چھیتی پیار پتنگ نہ بو ہوندی

یا داں دے چہاں چڑڑوے رُڑوے
اکھیاں دے چہاں چہ تر گئی آں
ویلا جے اوہدا ناں اے مائی
ویلے توں کاہنوں ڈر گئی آں



مک گیا بھاویں پینڈا ساڈیاں ساہواں دا
ساڈی ذات ناں چھڈیا مان بھراواں دا
تپدے ویلیوں ٹھنڈیاں واواں منگدے نیں
پر نہ جانیا کسے نے درد ہواواں دا
توں وی ایس دنیا دا ہو کے رہ گیا ایں
چھیتی چھیتی پنہہ مُکا کے چاہواں دا



پنڈ عملاں دی کھولے کون
ہن اینا سچ بولے کون
اک دو بے دے ہو کے دی
این ا دُکھ سناکھ پھولے کون
سانجھ دے وٹے لبھدے نہیں
درد دلاں نوں تولے کون
لے گیا میری جندڑی توں
میرے پیار پٹولے کون

دُھپاں سڑ کے ٹھنڈیاں چھاواں دیندیاں نہیں
مائی کوئی دیکھے جگرا ماواں دا
گلے گلاوا پا کے مائی کیہہ لبھیا
عشق تے سارا روگ اے دل دیاں ہاواں دا



اسیں وی کیہڑے روگ اوڑھے پالے نہیں
پیار دے ویری ساڈے آل دوالے نہیں



کیتا عشق تے عشق چہ اوڑک مرنا پیندا اے
سوئی وانگوں وگدا دریا ترنا پیندا اے
بھاویں کنہا اُچّا اُڈیے پیار فضاواں وچ
دُنیا توں تے فیر وی بیبا ڈرنا پیندا اے
عمر نبھانی پے جاندی اے بے قدراں دے نال
پیار لئی ایہہ اوکھا کم وی کرنا پیندا اے
چڑھدے سورج پٹھہ اُسارے خواہاں دے جے محل
راتاں دے جگراتیاں ہتھوں ہرنا پیندا اے

ظلم دی کوئی حد نہیں
سارے چپ نہیں بولے کون
لگدا جاوے دنیا توں
دل پرچھتی اوہلے کون
دل اک اوکھی گنجبل اے
اوکھی گنجبل کھولے کون
مائی اوس مورکھ دے لئی
پیار دے اتھرو ڈولے کون



غیراں نال جے رل مل جائیے اپنیاں نال وگاڑی دانئیں
اک اپنا غصہ کڈھن لئی کسے دا باغ اجاڑی دانئیں

پیار دا زخم اے، بھر دیاں بھریاں اوڑک ساہواں ٹٹ جانا اے
اینی چھیتی بھر جاوے گا، ایہہ کوئی پھٹ گہاڑی دانئیں

اسیں تے اپنی پوری عمر ای تیرے ناویں لا دتی اے
توں ای دس قصور ایہہ سارا ساڈی قسمت ماڑی دانئیں؟

بھردے پھٹ جے کھل جاون تے کھل جاندا اے بھیدلاں دا
ایناں وی اپنے جسے نوں ہنجاواں دی اگ ساڑی دانئیں

چل کے پیار دی راہ تے فیر اوہ منزل آوندی اے
اپنا بھل کے غیر دا بھانڈا بھرنا پیندا اے

بندہ بندے دا دارو اے، کیمن سیانے لوک
کدی کدی فر بندے توں وی ڈرنا پیندا اے

جان دی آں میں مائی لہنوں توڑ چڑھان دا مل
پیار اچ نگلی جئی گل توں وی ڈرنا پیندا اے

دھرتی ول دھیان جے کرینے اپنا آپ وی اوپر اگے
کدی وی ایناں پیاردی پینگنوں اسماناں تے چاڑھی دانیں
عشق دا ڈھونگا پیئدا جا کے حشر دیہاڑے ای ملے گا
اک واری فرسوچ لے مانی، کم ایہہ چار دیہاڑی دانیں



ہجر دے غم تے پیاردے دکھ میں کیہہ دستاں
تیتھوں اپنی ہار دے دکھ میں کیہہ دستاں
جیہڑی باہر دے بوہے نوں وی ترس گئی
گھر دی اوس دیوار دے دکھ میں کیہہ دستاں
میں تے اپنا آپ لکانی پھرنی آں
تینوں اپنے گھار دے دکھ میں کیہہ دستاں
تیریاں گلاں کر کر شیشہ ٹٹ گیا
کلبے ہار سنگھار دے دکھ میں کیہہ دستاں



طعنے مار کے ماریا کتیاں ہیراں نوں
پچھے کون ایہہ پیار دے بدرنیراں نوں
جگراتے وچ سُننے ویکھن والے وی
دن وچ لبھدے پھر دے نیں تعبیراں نوں
دل دی گل سُنان دا دل کیہہ آوے گا
بُجھیاں ہوئیاں ہتھیاں دیاں لکیراں نوں
سچ پچھیں تے رہیا نہ ملن دا کوئی چاء
ساڈے دل دے درداں لئی اکسیراں نوں

پکاں وچوں تیریاں خوشیاں لبھن لئی
مینوں طعنے مار دے دُکھ میں کیہہ دساں
سینے اندروں روز کلیجہ کڈھ دا اے
روز نوں اخبار دے دُکھ میں کیہہ دساں
جیہڑی گھر دا چُلھا بالدی سڑ گئی اے
مائی اوس ٹیار دے دُکھ میں کیہہ دساں



خورے کیہڑا ویر کمایا، مار کے دل وچ گھنڈ
ساڈے بوہے سٹ گیا اوہ ہجراں والی پنڈ

نکے ہوندیاں ساریاں گلاں چیاں لگدیاں سن
وڈے ہو کے سمجھ ایہہ آئی، دنیا نری پکھنڈ

جے ایہہ دنیا داری اے تے ایہہوں تک ای رہ!
نہیں تے کلہی رہ جاویں گی، سچا پیار نہ ونڈ

اپنا آپ گنوا دیندا اے بندہ جنہاں لئی
اوڑک اوہو کولوں لنگھ جانڈے نیں کر کے کنڈ

ہاسیاں دے سب لوک پجاری لگدے نیں
کے نہ ڈٹھا درد دیاں تصویراں نوں

جہے دکھ دتے او سے نے پڑھیا نہیں
دکھاں بھریاں میریاں ایہہ تحریراں نوں

جے ہُن اوہیو مائی ساتھوں رس گیا
خالی بیہہ کے روئے کیہہ تقدیراں نوں



کیہہ ہو یا جے پے گئے نویں پواڑے نیں
عشق نے وڈے وڈے سولی چاڑھے نیں

مٹ دے جاوَن اَکھڑ سا نچھ پریتاں دے
بھلدے جاندے لوکی پیار پہاڑے نیں

سچ دی پرہیا اندر خورے کیہہ ہو یا
جھوٹھے لوکی سٹے مار کراڑے نیں

جھوٹھے مان دھران تے جھوٹھی غیرت لئی
کم ذاتاں نے کوٹھے جھگے ساڑے نیں

بھیڑاں اندر وی اوہ بندہ گلہا لگدا اے
اکلاپے دی سانجھ تے جیہدی عمر گئی اے ہنڈ

دل وچ سچا پیار نہیں تے اُچے بول نہ بول
اج تائیں تے کسے نہ ڈٹھی شہد توں مٹھی کھنڈ

جیہڑا تیرا دردی نہیں سی اوہنوں لبھدی ساں؟
پے گئی اے ہُن مائی اوہنوں ویکھ کے دل نوں ٹھنڈ؟



ویکھیں کدھرے ودھ نہ جاوے دکھ دا پینڈا ہور
ہتھ کسے دے آناں جاوے ساڈے دل دی ٹور

ورھیاں توں ایہہ سُن دے آں چوراں نوں پے گئے مور
چوراں نیں وی اپنی کھل چڑھا لئی نوں نکور

اندر والا میل تے تیریاں اکھاں دس دیتا
بھاویں جسے سچ گیا اے کپڑا چٹا کور

اپنے آپ نوں ایویں دھوکھا دین دا فیدا کیہہ
کسے دا کدی وی دل تے اُتے چلیا نہیں جے زور

کر دے نیں اوہ گلاں راج سدھار دیاں
جہاں لوکاں وسدے شہر اجاڑے نیں

اسیں وی کیہہ آں پیار دی راہ تے ٹر پئے تے
دُنیا والے سارے کم وگاڑے نیں

جہاں مینوں جیون توں آتر کر چھڈیا
مائی میرے اپنے دل دے ہاڑے نیں



ماڑی قسمت دے دیندی اے عُمر اں دے اکلا پے
ملن تو بعد جے کلہا رہنا، کلہ دے میل ملا پے
دل دے نیڑے آ جاوے تے لگدا اے کج ہو رای
اُنج تے ہر بندہ ای وانگ فرشیاں دُوروں جا پے
غیراں ساڈے نال جو کیتا سبھے لوکی جان
ساڈے نال فر اپنیاں نیں وی پائے کئی سیا پے
دھیاں نکیاں ہون تے لگن آپ پٹولیاں وانگوں
وڈھیاں ہون تے فیر پٹولے بن جان دے نیں ما پے

و کیکھ نی کڑیے پیار دے راہیں کدی نہ پیندی خیر
دل دا درد نہیں جاندا، بھاویں کنا کریں نکور
گل تے ساری عملاں اُتے جا کے مُکدی اے
بھاویں پکی ہووے، بھاویں کچی ہووے گور
مائی سارا جگ پُپ اے جے اوہنے چُگی اُت
میرا دل کہہ دھڑکیا سارے جگ وچ پے گیا شور

ساڑھ سواہ کر دیندی اے تے پلے کج نہیں چھڈ دی
کملی کوہجی عمر اچ کوئی عشق دی اگ نہ تا پے
جے ناں اوہ مڑ آوے تے فر اپنے دل دارا نجھا
مندر پا کے وانگ فقیراں بن دی جاواں آپے
دل دامیل تے سچا پیار ای لاء سکدا اے مائی
صا بن جے نہ پائیے تے کیہہ کپڑے دھوون تھا پے



حق سچ دیاں گلاں کردے ساں؛ حق سچ دا مان ودھایا سی
پر کیہہ دسیے؛ ایس گل اُتے جگ نے کیہہ ویر کمایا سی
جے سچے پیارنوں من دانہیں تے اوہدے دل دی مرضی اے
اوہ ہُن وی شرماں والا اے اوہ پہلے وی شرمایا سی
مینوں ماریا اوہدیاں سوچاں نہیں؛ مینوں ساڑھیا اوہدیاں یاداں نے
اک دن تے اوہدا پر چھاواں سورج دی اکھ وچ آیا سی
کیہہ دساں اوہدیاں اکھاں وچ اوہ کیہڑا جادو سی جسے
سینے وچ میرے دھڑکدے دل نوں بلھے وانگ نچایا سی

وچار دی گل

خورے کیہہ اے
اکھ مستانی، بھری جوانی، گل سیانی
کل خورے کیہہ لین اوہ آیا
کیہہ گل مینوں آکھ گیا اے
عشق دلاں وچ جھگی پا کے بیہہ جاندا اے
لیہہ دے اگے دل داہولا ڈھیری ڈھا کے بیہہ جاندا اے
راہ وچ لنگھن والیاں سارے راہیاں نوں اوہ
دکھڑا پنا روز سنا کے بیہہ جاندا اے
خورے بندا کیہہ چاہندا اے
عشق اوہنوں کیہہ کہہ جاندا اے
ایہو گل فر سوچدیاں سوچدیاں
چڑھدے پاسیوں دن داسورن جلیہہ جاندا اے

اوہ دن وی کتے چنگے سن، جیہڑے لنگھ کے وی ناں لنگھے سن
میں ڈرگئی دل دیاں تاہنگاں توں ویلے نے ہور ڈرایا سی
جے اپنی عمر گزاری اے، ہتھ لیکھاں دی پھل واری اے
کیہہ پچھدے او ایس جگ نے وی تے وکھرا رنگ وکھایا سی
مائی اے خبر نہیں سی دل نوں سولاں وانگوں ڈنگدا اے
کیہہ پیار نے تینوں دیتا اے، کیوں ایناں پیار توں پایا سی

کیہڑا تیرے اُتے ہُن اتہار کرے ایس جگ دے اندر
جیہڑا تیرا دشمن نہیں سی اوتھے وی کم پا دتا ای
خورے کاہنوں ساڈیاں فصلاں بخر کرن دا چاء سی تینوں
قبضے کر کے وگدیاں نہراں ساہنوں زہر پیار دتا ای
وکیھ لہیں ایہہ تیرے محل چپارے وی ہُن رہ نہیں سگدے
کمزرواں دیاں سدھراں والا پورا شہر ہلا دتا ای

اک وڈی طاقت دے ناں

ایہہ کیہہ کم دکھا دتا ای، ایہہ کیہہ رولا پا دتا ای
اپنی جھگی پاؤن لئی توں اڈھا جگ مُکا دتا ای
کوئی دل دا بھید نہ کھولے تیرے اگے کیہڑا بولے
پکے ڈھا کے کچے کوٹھیاں کنداں نوں وی ڈھا دتا ای
بھانویں رب توں اسیں نہیں ڈردے تیرے کولوں ڈر جانے آں
اسیں ڈراکل پہلے ای ساں کجھ ساہنوں ہور ڈرا دتا ای
غیراں نال تے خیر کسے نوں خیر دی کوئی آس نہیں ہوندی
جیہڑا تیرا بچن سی توں اوہنوں ای نگروں لا دتا ای

ماں اوہ لفظ اے
جیہڑا ہونٹھاں تے آوے تے
اکھیاں اندر ہاسیاں والے پھل کھڑے جاندے نیں
ساہواں اندر خوشبوواں دانور
خیال ہنیریاں نوں چائن دیندا اے

ماں اوہ لفظ اے
جنہوں سن کے
سینے اندر ٹھنڈے پے جاندی اے
میں نیں جان دی
خورے ماں نوں کیہڑی مٹی نال بنایا اے
خورے ماں نوں کیہڑے صبر دا پانی دتا اے
کیہڑیاں پیار ہوواں نے اوہدے جسے دی اگ نوں
ایناں ٹھنڈا کیتا اے
پئی دھپاں سر دی دھرتی اُتے اوہدے پیار دی
ٹھنڈی چھاں ہو جاندی اے

ماں

شکر دو پہرے گرمی اندر
دُھنڈیاں ہو یاں جنڈی والیاں راہواں اُتے
ننگے پیریں ٹردی جاواں
اپنے دل دے ورے اُتے
مٹھے مٹھے حرفاں والا
اگوناں میں لکھدی جاواں
ماں داسو ہناناں
ماں اوہ لفظ اے
جنہوں رب نے
پیار محبت تے قربانی دے لفظاں توں ودھ کے عزت دتی اے

تن شعر

توں آکھیں تے بُہیاں اُتے چپ دے جندرے لالینے آں
توں آکھیں تے کلہے بیہہ کے پیار دے نیر وگا لینے آں
جگ دے کولوں پَنڈ سِراں تے لے لینے آں دُکھاں والی
اسیں تاں آپ ای اپنیاں لیکھاں اندر گنجبل پا لینے آں
عشق دی پیڑ دا دارو ساہنوں کسے طیب نے کیہہ دینا اے
اسیں تاں روزای اپنے دل دے ویدنوں نبض دکھا لینے آں

میری ماں وی اوہناں ماواں چوں اک ماں سی

پیاردی ٹھنڈی چھاں سی

ہُن اوہ چھاں مینوں نہیں لبھدی

شکر دوپہرے گرمی اندر

ننگے پیریں ٹردیاں ٹردیاں

خورے کئے ورہیاں دا پنیڈا کر کے میں آگئی آں

تے کئے ورہیاں دا ہُن پنیڈا رہ گیا اے

کے دے سینے تاہنگ نہیں سی بغض کدورت والی
 سمھناں دے دل شیشے وانگوں حرصاں توں سی خالی
 شرم حیا تے غریتاں والے گھر گھر نظریں آون
 اک مُک ہو جان دے سن جیہڑے پگ نال پگ وٹا وٹا
 سنی سنائی گل نہیں، ایہہ خود دیکھن وچ آئی
 گھر دیاں کچیاں کنداں اندر رشتیاں دی پکیائی
 شہرہ دیاں راہواں تے جد اسماناں دھوڑاں پٹیاں
 کچیاں کنداں ساریاں پکے ساکاں والیاں ٹٹیاں
 اک دو جے نال مُک گئے سارے دلاں دے میل ملاپے
 چار چنیرے نویاں تاہنگاں پائے نویں سیاپے
 پکے محل چباریاں اندر رشتے رہ گئے کچے
 نفرت والی بالکنی نے کھائے پیار چچے

نویں ویلے دی قید

تہہ نہ ورہیاں پچھے جائیے تے اکھیاں ہنجواں ڈُبن
 نکلیاں نکلیاں یاداں والیاں من وچ سولاں کھٹھن
 اکھاں اگے سفیاں وانگوں منظر رنگ وکھاون
 پنڈ دے باہر لے کھوہ تے پنڈ دیاں ٹیاراں آون
 ہسڈیاں، ہسڈیاں، ککلی پاندیاں سوہنیاں جانڈیاں ویکھاں
 اپنے سوہنے ویراں دے میں سہرے گاندیاں ویکھاں
 نِکے نِکے دلاں چہ مارن آس مُراداں چھلاں
 اوہ کیہہ جانن اُچے محل چباریاں والیاں گلاں

جنہوں سُن کے دل نے تیری تاہنگ جگائی سی
جی کردا اے تینوں اوہو گیت سناواں میں
پیار دے بھنڈے تاپ اندر وی ہر ویلے مائی
ٹُردی پھردی آں لے کے اوہدا پرچھاواں میں



پیار محبت دی اگ اندر بلدی جاواں میں
لیکھ ای جے ایہہ لکھے نہیں، کیہہ کراں دعاواں میں
پچھلیاں وقتاں دا تینوں کیہہ حال سناواں میں
ہُن تے ایہو ای جی کردا اے، لُگ چھپ جاواں میں
توں تے اج وی پہلے وانگوں درد سندیہ ایں
خورے تیرے لئی کیوں کٹیاں پیار سزاواں میں
تیرے باہجوں رہ نہیں سکدا کلم کلہا دل
توں ای دس ہُن کسراں ایس دل نوں پرچاواں میں

گیت

میں دل نوں ایہہ سمجھانی آں — اوہنوں بھل وی جا
میں ترے سو سو پانی آں — اوہنوں بھل وی جا
ایہہ یاداں کجھ نہیں دیندیاں، ایہہ تڑپاندیاں نہیں
ایہہ سوچاں سدھراں اندر بھانیر لاندیاں نہیں
اگ ہنجواں نال بھجانی آں — اوہنوں بھل وی جا

ایہہ سچ اے، پیار دا موہرا آپے چکھیا سی
اوس بے دردی نوں آپے دل وچ رکھیا سی
ہُن آپے میں پچھتانی آں — اوہنوں بھل وی جا
میں دل نوں ایہہ سمجھانی آں — اوہنوں بھل وی جا

تن شعر

ورہیاں دا ہڑ لنگدا جاوے
ویلا جُسا ڈنگدا جاوے
ساہنوں تیرے ہجر دا موسم
سُلی اُتے ٹنگدا جاوے
من ساڈا تیری چاہت نوں
وانگ فقیراں منگدا جاوے

نہیں سوچیا سی ایہہ پیار بنے گا روگ کدے
میں کلہیاں بیٹھ مناواں گی ایہہ سوگ کدے
ہُن ایویں پئی کرلانی آں — اوہنوں بھل وی جا
میں دل نوں ایہہ سمجھانی آں — اوہنوں بھل وی جا

گیت

اساں دل دا حال نہیں کہنا، بھاویں رُل جائیے
اسیں کلم کلہیاں رہنا، بھانویں رُل جائیے
دل دا راز کسے نوں دس کے مڑ پچھتانا نہیں
گل اپنے بدنامی والا طوق تے پانا نہیں
دل وانگوں اسیں نہیں ڈیہنا، بھاویں رُل جائیے
اسیں کلم کلہیاں رہنا، بھانویں رُل جائیے

نانک جى

انساناں نال پيار کرن دا اوہناں وک سکھایا
مٹى دے ہر ڈڑے نوں اوہناں اسمان بنایا

نانک جى نے دسیا، نکے وڈے دی گل چھڈو
من وچ پيار وساؤ مترو! بغض کدروت کڈھو

نانک جى نے دسیا، سچ دی راہ تے چلنا چنگا
جیون انج سنوارو جیویں والاں والا کنگھا

جتھوں حق سچ لبھیا اوہناں، آپ عمل وی کیتا
وحدت والا پیالا اوہناں آپ وی رج رج پیتا

گل دل دی دل وچ رہوے تے بڑا خزانہ اے

جے ہونٹھاں وچوں نکلے تے افسانہ اے

ہر دُکھ نوں کھپیا سیہنا، بھانویں رُل جائیے

اسیں کلم کھپیاں رہنا، بھانویں رُل جائیے

وَدھ جاندا بھار ودھیرا جے گل دسیے ناں

نہیں چنگا ہوندا، جے رُل مل کے ہسیے ناں

اساں پا لیا غم دا گھنا بھانویں رُل جائیے

اسیں کلم کھپیاں رہنا، بھانویں رُل جائیے



پہلی پہلی وار ہجر دا بھانبر دل وچ بلیا اے
فون کسے ناں کیتا مینوں کسے ناں پتر گھلیا اے

توں ای دس میں اگو ناں کتھوں تیکر لکھدی جاواں
ایسے لئی تے درد کتاب دا اگلا ورقا تھلیا اے

اج جے کوئی سسی ہیر ملے تے اوہنوں دساں میں
اج وی عورت ذات نے کیویں قہر جبرنوں جھلیا اے

چن جھلا اے کلہا کھجھل ہوندا پھر دا راتاں نوں
سورج وی کجھ لبھدا لبھدا اُفتق دوارے ڈھلیا اے

اوہناں دین اسلام دی وی وڈیائی سبھ نوں دتی
اوہناں آکھیا اک خدا دی پھر لوگھٹ کے رسی

کعبے دے وی درشن کیجے کلمہ وی من بھایا
سبھ لوکاں دے زخماں اُتے رکھیا امن دا پھایا

نانک جی نے صفتاں والا لیا محمد نام
”سے سری اکال“ اے ساڈا رب بھگوان تے رام

وَسے مسجد کعبہ ساڈا وَسے گورو دوارا
وَسے ساڈے دل وچ مائی پیار تے بھائی چارا

کہندے نیں پئی سُرخ گلاباں والا موسم آوے گا
فیر ایہہ شکلاں اُتے کہنے رنگ خزاں دا ملیا اے
مائی میرا دل وی کیہہ اے رہندا اوہدیاں یاداں وچ
انج لگدا اے ایہہ وی اوس بے دردی نال ای رلیا اے



شام پوے تے پیار دی پیڑ پرانی، ہو کے بھردی اے
دل دریا وچ ہُن وی تیری یاد دی پیڑی تری اے
نکی جئی سی جدا اوس نے اک لاش سڑک تے دیکھی سی
وڈی ہو گئی دھی میری پر اُجے وی کلہیاں ڈردی اے
دھی ہووے یا بہن کسے دی، یا فیر اوہ ماں بن جاوے
ہر رشتے وچ عورت اے تے عورت ای دُکھ جردی اے
بدل گئیاں نیں پہلیاں قدراں، پیار دیاں سبھ رسماں وی
خورے کاہنوں روز ای اوہ بٹے تے دیوا دھردی اے

اپنے دیس لئی کجھ شعر

اے گل سچ اے مُلکاں اندر مندے لوک وی ہندے نیں
بھیڑیاں سوچاں فکراں والے گندے لوک وی ہندے نیں

رہبر چنگا ہووے تے فیر قوم مثالی ہوندی اے
ایس مثالی قوم دی شو بھا ساری دنیا مندی اے

قائد نے اک مُلک وی دیتا، نالے قوم بنائی سی
سر نوں اُچا کر کے زندہ رہن دی گل سمجھائی سی

پیار وطن دا، اوہنے قوم دی نس نس دے وچ بھر دیتا
پیار وفا دے جذبیاں نال دلاں وچ چائن کر دیتا

ایہناں جذبیاں ایہناں سوچاں نوں اسیں قائم رکھنا اے
قوم وطن دے مان نوں مانی جگ وچ دائم رکھنا اے

ایہہ کوئی میرا قصہ نہیں، قصہ اے میری سہیلی دا
جیہڑا اوہنوں بھل بیٹھا، اوہ اے جیہڑا وی اوس تے مردی اے

مانی کیہہ لبھدی پھر دی ایس پیار و وفا دیاں گلہاں نوں
کون کسے دا سجن اے، ہُن کون کسے دا دردی اے